

DIANDRIA MONOGYNIA.

*cilli* spicato-approximati, subsexflori, piloso-viscidi. *Bractea* cordatae, integerrimae, hirsutae, longitudine calycum. *Flores* subsessiles, magnitudine et forma ferè praecedentis, cyanei. *Calycis* dentes superiores haud fastigiati. *Staminum* appendiculæ brevissimæ, retusæ.

a. Flos.

C, C. Corolla cum staminibus et stylo.

B. Calyx auctus cum pistillo.

D. Stamen seorsum.

TABULA 24.

SALVIA CLANDESTINA.

SALVIA foliis pinnatifido-linearibus serratis rugosissimis pilosis, caulibus foliosis, calycibus muticis.

S. clandestina. *Linn. Sp. Pl.* 36. *Willden. Sp. Pl. v. 1.* 138. *Desfont. Atlant. v. 1.* 23.

In arvis insulae Cypri frequens. *D. Ferd. Bauer. ♂.*

*Radix* fusiformis, biennis, multiceps. *Caules* plurimi, spithamæi, adscendentes, parùm ramosi, foliosi, tetragoni, villosi. *Folia* petiolata, patula, lineari-pinnatifida vel subbipinnatifida, caesia, rugosissima, revoluta, serrata, pilosa. *Rami floriferi* simplicissimi, plerumque solitarii. *Verticilli* remotiusculi, sexflori. *Bractea* cordatae, integerrimæ, pilosæ, calyce breviores. *Flores* brevius pedicellati, colore et forma ferè prioris, at galea angustiore. *Calyx* pilosissimus, dentibus superioribus fastigiatis, et demùm quasi oblitteratis. *Staminum* appendices elongatæ, filiformes, obtusæ.

Synonymon Barrelieri a Linnæo citatum ad præcedentem rectiùs amandetur, ut jamdudùm me monuit, dum in vivis erat, amicissimus Sibthorp.

a. Calyx et pistillum.

d. Calyx fructus.

b, b. Corolla.

e. Semen.

C. Stamen auctum.

TABULA 25.

SALVIA SCLAREA.

SALVIA foliis cordato-oblongis rugosis villosis duplicato-crenatis, bracteis coloratis concavis calyce longioribus.

S. Sclarea. *Linn. Sp. Pl.* 38. *Willden. Sp. Pl. v. 1.* 147.

Sclarea. *Tourn. Inst.* 179.

In arvis inter oppida *Sousougherli* et *Uhubad*, sive Lupadium, Bithyniæ. ♂.